

Beiheft

2

S 108

1260 Lüdinghusen.

[31]

Der Ritter Hermann von Lüdinghusen bekundet den Ankauf eines Zehnten im Nipl. Lette durch das Stift Warlar.

Hermannus miles de Ludinghusen omnibus praesentia visuris vel audituris gratiam Jesu Christi. Scripti tenacitas malignorum solet calumniis obviare. Noverint igitur universi tam posteri quam praesentes, quod dominus praepositus Wilhelmus et conventus ecclesiae Varlarensis emerunt ab Henrico Beninc de Cosfeldia quosdam redditus sitos in parochia Lette, videlicet XVII scepel siliginis quatuor crateris minus Cosveldiensis mensurae, insuper viginti quinque denarios Monasteriensis monetae, quos redditus dictus Henricus tenuit de manu Hermanni militis de Porteslare jure videlicet feudali. Dictam vero pensionem dabit domus sita in parochia Lette et Hecelinc nuncupata. Ad instantiam autem praedictorum, praepositi videlicet et conventus, dictus Hermannus de Portesl[er]e, Gudula uxor sua, pueri sui et omnes haeredes eorundem resignarunt ecclesiae Varlarensi proprietatem dictorum bonorum, quae tangebatur ipsos, et hoc publice coram nobis. Ut autem habeatur noticia huius rei et ad posteros devolvatur, praesens scriptum nostro sigillo consignatum dedimus in testimonium talis facti. Acta sunt haec Ludinghusen in figura nostri iudicii coram nobis, praesentibus istis, quorum nomina subnotantur: Hermannus juvene de Ludinghusen, Thiderico Seleking, Florentio de Sprecke, Hermannus de Sendene, Hilderado, Henrico Salkinc, Emelrico militibus; Bernardo de Sendene, Bernardo, Joanne, Herbordo filiis Emelrici praedicti, Thiderico et Caesario Salkinc, Godefrido provisoro scholarum in Cosvelde et aliis quam pluribus clericis et laicis. Datum Ludinghusen anno Domini M^oCC^oLX^o.

Kopie im Warlarer Kopiar S. 26/27.